

十全解碼 Chord Mojo

其實玩HeadFi都唔一定要買DAP，只要有部DAC解碼器啱手，普通手機或者notebook都能夠成為你嘅流動高質播放器材。嗰呢方面，近年英國品牌Chord憑住部高階機款Hugo，成功引到唔少HeadFi迷注意，只可惜部機身價高達\$16,800，好多人得個恨字！但啱家機會嚟喇，事關Chord剛剛喺香港推出最新款便攜DAC Mojo，定價只係\$4,980，大眾化好多，起碼平過好多高階DAP！

雖然價位平一大截，但單論解碼能力的話，Mojo其實唔輸過Hugo，因為佢最高支援PCM 768kHz/32bit同DSD256格式歌曲，差唔多現存世上嘅Hi-Res音樂都播到，係怕你有咁高規格嘅歌曲file咋！就算你本身有DAP，亦一樣可以駁住佢嚟聽歌，因為佢同Hugo一樣，有埋耳擴功能，輸出功率達35mW@600Ω，廠方指連Sennheiser HD 800級數嘅HiFi級監聽耳筒都推到，即係近乎推乜耳機都得。若然你部DAP低階過Mojo，佢仲可以幫你優化埋音質添。

• 機面3粒圓球掣都內藏多色LED燈，音量掣會用唔同顏色表示音量大細，開關掣則會隨住輸入音訊格式而變色。



Spec.

輸入：Micro USB (最高支援768kHz/32bit)、
3.5mm Coaxial (最高支援768kHz/32bit)、
Optical Toslink (最高支援192kHz/24bit)

輸入阻抗：75mΩ

輸出：3.5mm × 2

輸出功率：720mW@8Ω / 35mW@600Ω

動態範圍：125dB

體積：82 × 60 × 22mm

重量：180g

售價：\$4,980

查詢：ECT (3188 0767)



強動態高密度

試以Mojo為iPhone 6s同MacBook Air解碼192kHz/24bit歌曲檔，覺得佢嘅音色同樣屬於暖身，不過取向略為傾向高頻。整體表現雖仍算soft，但音質密度幾高，細節偏向豐富，detail擷得幾多，動態亦幾強。再試用佢駁AK100嚟聽，除咗推力毋庸置疑，喺AK100本來已有嘅聲音密度上面，聽得出效果變得更密，音樂動態亦增強咗，確實有為AK100升呢嘅功效。但若然你用到AK240或更高級數嘅DAP，就唔建議駁Mojo嚟聽。



• 同軸(左一)同Micro USB(左二)最高支援768kHz/32bit音訊輸入，光纖(右一)則只支援192kHz/24bit，而另一個Micro USB專用噏叉電。



• 另一邊機側設有兩個3.5mm輸出插頭，以Mojo嘅推力，應付有餘，比較可惜係欠缺平衡輸出。

駁電腦

• Notebook用Micro USB線駁Mojo最方便，亦有大量播Hi-Res歌軟件可以揀。



駁手機

• iPhone同播唔到Hi-Res歌曲嘅Android手機，可借助Onkyo HF Player等app去播高規格音樂檔。個app本身免費，但要買收費版先播到某啲高階格式file。

駁DAP

• 入門至中階嘅DAP(例如AK100)，或者只具備光纖輸出，所以只能經光纖輸入音訊到Mojo，最高支援192kHz/24bit。



同場加映 新牌中階 earphone

玩HeadFi有DAP或DAC，又點少得耳機！呢期耳機都出咗唔少新款，包括以下兩款新晉品牌嘅中階貨，配合Onkyo DP-X1同Chord Mojo嚟聽，或者會有新鮮效果。

注重物料 Dita The Answer

▶ 來自新加坡嘅10mm動圈單元耳機，特別採用鋁金屬外殼，The Fat Cable同碳纖維插頭，務求減少諧震、聽診效應、磁性干擾等產生雜音嘅元兇，以保音質。

\$4,980

(DMA/3971 0242)




清晰4動鐵 Audiofly AF180

◀ 由澳洲音樂人創立品牌嘅旗艦耳機，每邊耳塞內藏4個動鐵單元，帶出特強清晰度同細緻度，可以為DP-X1呢類比較soft嘅DAP呈現出更多音樂細節，鍾意聽detail嘅人啱用。

\$3,998

(大昌影音/2262 1173)



FACE POP

#440 28/10/2015 \$10

下期有 bossini x STAR WARS 一套四個 行李收納袋 只限精裝版・詳見 (Ketchup) P.04



Set A 暗黑武者 Dark Warrior



Set B 無面白兵 Stormtrooper

FACE



奶奶迫做嘢 夫家唔打本

唔知呢件事



蘇老太



老公認錯

諸葛紫岐委屈

阿媽大鬧我



私藏名畫升值3倍

張智霖開多瓣：好快冇人想睇你



搬窩轉運

Jeana 為名店剝high咗



李思捷猴擒抽水

豬標 Flora

SM 摸爆：第一次見就摸大牌！

UStar 九展騷 8星撐10強

11月10日 九展Music Zone \$65 詳見P.08

